

Guilielmum Abbatem: "Nobis autem convenientibus in unum
 (ut verbis Apostoli utar) jam non est Dominicam coenam man-
 ducare. Panem quippe caelestem nemo est qui requirat, nemo qui
 tribuat. Nihil de Scripturis, nihil de salute agitur animarum, sed
 nugæ & risus & verba proferuntur in ventum. Inter prandendum
 quantum fauces dapibus, tantum aures pascuntur rumoribus,
 quibus totus intentus modum nescias in edendo. Interim autem
 fercula ferculis apponuntur, & pro solis carnibus, à quibus absti-
 netur, grandia piscium corpora duplicantur. Cumque prioribus
 fueris satiatus, si secundos attigeris, videberis tibi necdum gustâ-
 se pisces. Tantâ quippe accuratione & arte coquorum cuncta ap-
 parantur, quatenus quatuor aut quinque ferculis devoratis pri-
 ma non impediant novissima, nec satietas minuat appetitum. Pa-
 latum quippe dum novellis seducitur condimentis, paullatim
 diffuescere cognita & ad succos extraneos, veluti adhuc jejunum,
 avidè renovatur in desideria. Venter quidem, dum nescit, one-
 ratur, sed varietas tollit fastidium. Quia enim puras, (ut eas na-
 tura creavit) epulas fastidimus, dum aliæ aliis multifariè permi-
 scentur, & spretis naturalibus, quos Deus indidit rebus, quibus-
 dam adulterinis gula provocatur saporibus, transitur nimirum
 meta necessitatis, sed necdum delectatio superatur. - Videas uno
 prandio ter vel quater semiplenum calicem reportari, quatenus
 diversis vinis, magis odoratis quàm potatis, nec tam haustis quàm
 attactis, fugaci probatione & celeri cognitione unum tandem è
 pluribus, quod fortius sit, eligatur. Quale est autem illud, quod
 nonnulla monasteria ex more observare dicuntur, in magnis vi-
 delicet festis vina delibuta melle pigmentorum respersa pulveri-
 bus in conventu bibere? numquid & hoc fieri dicemus propter
 infirmitatem stomachi? Ego verò ad nihil aliud valere video, nisi
 ut vel amplius bibatur vel delectabilius. Sed cum venæ fuerint vi-